



**BOSNA I HERCEGOVINA  
PARLAMENTARNA SKUPŠTINA  
BOSNE I HERCEGOVINE  
DOM NARODA**

- Komisija za vanjsku i trgovinsku politiku –  
Broj: 02/2-011-881-15/03  
Sarajevo, 20. 06. 2003. godine

**Z A P I S N I K  
sa 7. sjednice Komisije za vanjsku i trgovinsku politiku  
Doma naroda Parlamentarne skupštine BiH  
održane 17. 06. 2003. godine**

Sedmu sjednicu Komisije za vanjsku i trgovinsku politiku Doma naroda Parlamentarne skupštine Bosne i Hercegovine sazvao je predsjedavajući Komisije Hasan Čengić.

Sjednici su prisustvovali svi članovi Komisije: Hasan Čengić, Anto Spajić, Vinko Radovanović, Osman Brka, Velimir Jukić i Nade Radović, te Nevenka Savić, sekretar Komisije.

Osim pomenutih, sjednici su prisustvovali predstavnici predlagača: Biljana Tabaković i Bejta Delić iz Ministarstva finansija i trezora BiH.

Sjednicom je predsjedavao predsjedavajući Komisije Hasan Čengić. Nakon što je konstatirao da postoji kvorum, predsjedavajući Komisije je predložio slijedeći

**DNEVNI RED**

1. Usvajanje zapisnika sa 5. i 6. sjednice Komisije za vanjsku i trgovinsku politiku;
2. Izvještaj o radu Komisije za vanjsku i trgovinsku politiku za period februar – maj 2003. godine;
3. Prijedlog Plana rada Komisije za vanjsku i trgovinsku politiku za 2003. godinu,
4. Prijedlog Odluke o ratifikaciji Evropske konvencije o suzbijanju terorizma, Strazbur, 27. januar 1977. godine, predlagač Predsjedništvo BiH;
5. Prijedlog Odluke o ratifikaciji Izmijenjenog i ponovo uspostavljenog Sporazuma o razvojnom kreditu (projekat podsticanja izvoza preduzeća) između Bosne i Hercegovine i Međunarodne asocijacije za razvoj (kredit broj 3257 BOS), predlagač Predsjedništvo BiH;

6. Prijedlog Odluke o ratifikaciji Memoranduma o razumijevanju između Evropske zajednice i Bosne i Hercegovine, predlagач Predsjedništvo BiH;
7. Dokument «Opći pravci i prioriteti za provođenje vanjske politike Bosne i Hercegovine», materijal Predsjedništva BiH;
8. Izvještaj sa XI međunarodne konferencije o konkurenciji, Bon, 18. - 20. maj 2003. godine;
9. Parlamentarne grupe za saradnju sa BiH, informacija Ministarstva vanjskih poslova BiH;
10. Parlamentarne grupe prijateljstva sa BiH ili parlamentarne grupe za saradnju sa BiH u parlamentima drugih država, informacija Zajedničke službe Sekretarijata;
11. Sastanak sa predstavnicima Grupe prijateljstva Francuska – BiH u Senatu RF, informacija Ministarstva vanjskih poslova BiH;
12. Program aktivnosti vezanih za demokratsku kontrolu nad oružanim snagama, informacija OSCE Misija u BiH, Odjel za sigurnosnu saradnju;
13. Tekuća pitanja.

Dnevni red je jednoglasno usvojen.

#### **Ad. 1. Usvajanje zapisnika sa 5. i 6. sjednice Komisije za vanjsku i trgovinsku politiku**

Zapisnici sa 5. i 6. sjednice Komisije su jednoglasno usvojeni.

#### **Ad. 2. Izvještaj o radu Komisije za vanjsku i trgovinsku politiku za period februar – maj 2003**

Izvještaj o radu za protekli period Komisija je jednoglasno usvojila i uputila Domu naroda na usvajanje.

#### **Ad. 3. Prijedlog Plana rada Komisije za vanjsku i trgovinsku politiku za 2003. godinu**

Vinko Radovanović preložio je da se u Plan rada pod prioritete doda stavka “Aktivnosti Vijeća ministara BiH iz oblasti transporta i komunikacija”. Nakon toga, Plan rada je jednoglasno usvojen.

#### **Ad. 4. Prijedlog Odluke o ratifikaciji Evropske konvencije o suzbijanju terorizma, Strazbur, 27. januar 1977. godine, predlagач Predsjedništvo BiH**

U diskusiji povodom ove tačke Dnevnog reda, konstatirano je nije prisutan predstavnik predlagачa. Komisija je jednoglasno donijela sljedeće zaključke:

- Komisija predlaže Domu naroda Parlamentarne skupštine BiH da donese odluku o davanju saglasnosti za ratifikaciju Konvencije,

- Da se uputi dopis predstavniku predlagača – Predsjedništvu BiH kojim će se upozoriti da će u eventualnom budućem ovakovom slučaju, Komisija postupiti u skladu sa Poslovníkom Doma naroda, član 80., tj. materijal skinuti sa Dnevnog reda sjednice,
- Da se dopisom obrati Kolegiju Doma naroda Parlamentarne skupštine sa zahtjevom da Kolegij preduzme potrebne korake kako bi se saradnja između nadležnih institucija - predlagača materijala, i Komisije odvijala u skladu sa Poslovníkom Doma naroda kako se rad Komisije ne bi dovodio u pitanje.

**Ad. 5. Prijedlog Odluke o ratifikaciji Izmijenjenog i ponovo uspostavljenog Sporazuma o razvojnom kreditu (projekat podsticanja izvoza preduzeća) između Bosne i Hercegovine i Međunarodne asocijacije za razvoj (kredit broj 3257 BOS), predlagač Predsjedništvo BiH**

Pojašnjenja u vezi sa Sporazumom iznijela je predstavnik predlagača Biljana Tabaković. U diskusiji povodom Sporazuma učestvovali su svi članovi Komisije. Sa pet glasova za i jednom suzdržanim, usvojeni su sljedeći zaključci:

- Komisija predlaže Domu naroda Parlamentarne skupštine BiH da donese odluku o davanju saglasnosti za ratifikaciju Sporazuma;
- Traži se od Ministarstva finansija i trezora BiH da do početka sjednice Doma naroda zakazane za 18. 06. 2003. godine, na kojoj će se raspravljati o Sporazumu, dostavi dodatne informacije koje se odnose na analizu utroška sredstava, kriterije za dobivanje kredita i postignute efekte;
- Da se na narednoj sjednici Komisije uz prisustvo predstavnika nadležnih institucija raspravlja o međunarodnim obavezama Bosne i Hercegovine.

**Ad. 6. Prijedlog Odluke o ratifikaciji Memoranduma o razumijevanju između Evropske zajednice i Bosne i Hercegovine, predlagač Predsjedništvo BiH**

G-đa Delić u svojstvu predstavnika predlagača pojasnila je članovima Komisije odredbe Memoranduma, nakon čega je Komisija jednoglasno usvojila Memorandum i predložila Domu naroda Parlamentarne skupštine BiH da donese odluku o davanju saglasnosti za ratifikaciju.

**Ad. 7. Dokument «Opći pravci i prioriteti za provođenje vanjske politike Bosne i Hercegovine», materijal Predsjedništva BiH**

Konstatirano je da za ovaj materijal nije prisutan predstavnik predlagača, iako je blagovremeno upućen poziv da prisustvuje sjednici. Nakon rasprave, Komisija je jednoglasno odlučila do odgodi raspravu o materijalu do sljedeće sjednice, kada će se bez obzira na prisustvo, odnosno odsustvo predlagača, izjasniti o dokumentu.

**Ad. 8. Izvještaj sa XI međunarodne konferencije o konkurenciji, Bon, 18. - 20. maj 2003. godine**

Komisija je Izvještaj primila k znanju uz zaključak da se nadležne institucije podstaknu na implementaciju Zakona o konkurenciji, a naročito na uspostavu struktura koje su njime predviđene.

**Ad. 9. Parlamentarne grupe za saradnju sa BiH, informacija Ministarstva vanjskih poslova BiH;**  
**i**

**Ad. 10. Parlamentarne grupe prijateljstva sa BiH ili parlamentarne grupe za saradnju sa BiH u parlamentima drugih država, informacija Zajedničke službe Sekretarijata**

Na prijedlog Vinka Radovanovića tačke 9. i 10. Dnevnog reda razmatrane su zajedno. Konstatirano je da Parlamentarna skupština BiH još nije formirala Grupu za prijateljstvo sa drugim zemljama. S obzirom da ovo smatra pitanjem od izuzetnog značaja, Komisija za vanjsku i trgovinsku politiku je zaključila da predloži Kolegiju Domu naroda sljedeće:

- Da u najkraćem mogućem roku zajedno sa Kolegijem Predstavničkog doma utvrdi kriterije i formira Grupu za prijateljstvo koja će biti sastavljena i od poslanika Predstavničkog doma i od delegata Doma naroda, a koja će po potrebi moći komunicirati odvojeno sa predstavnicima gornjih, odnosno donjih domova parlamenata drugih država.

**Ad. 11. Sastanak sa predstavnicima Grupe prijateljstva Francuska – BiH u Senatu RF, informacija Ministarstva vanjskih poslova BiH**

Komisija je jednoglasno donijela zaključak da podrži prijedloge Ambasade BiH u Parizu, tj. da uputi pismo predsjedavajućem Grupe za prijateljstvo Francuska – BiH u Senatu RF u kome će izraziti zadovoljstvo zbog intenziviranja aktivnosti Grupe, kao i poziv delegaciji Grupe da posjeti BiH u drugoj polovini septembra. Predsjedavajući Komisije je ovlašten da uputi poziv.

**Ad. 12. Program aktivnosti vezanih za demokratsku kontrolu nad oružanim snagama, informacija OSCE Misija u BiH, Odjel za sigurnosnu saradnju**

Zaključak Komisije po ovom pitanju je da se uputi dopis Kolegiju Doma naroda sa sljedećim prijedlozima:

- Dom naroda, odnosno Parlamentarna skupština BiH, trebaju se aktivno uključiti u procese demokratske kontrole nad oružanim snagama,
- Komisija predlaže Kolegiju Doma naroda da, do usvajanja izmjena i dopuna Poslovnika Doma naroda, preuzme praćenje ovih aktivnosti i ad hoc zadužuje radna tijela ili pojedince za realizaciju pojedinih aktivnosti,
- Podržavaju se aktivnosti na izradi izmjena i dopuna Poslovnika Doma naroda koje će određenom radnom tijelu dati u nadležnost praćenje demokratske kontrole nad oružanim snagama.

### **Ad. 13. Tekuća pitanja**

#### **(a) Posjeta Komisije za vanjske poslove Predstavničkog doma Hrvatskoj i Sloveniji**

U raspravi je konstatirano da Komisija za vanjsku i trgovinsku politiku Doma naroda nije bila informirana o ovoj posjeti. Komisija je zaključila da se uputi dopis Kolegiju Doma naroda kojim će se zatražiti odgovori na sljedeća pitanja:

- Da li je Kolegij Doma naroda bio informiran o ovoj posjeti,
- Da li je to bila posjeta Parlamentarne skupštine BiH ili Predstavničkog doma Hrvatskoj i Sloveniji,
- Kako će se Kolegij i Komisija Doma naroda ponašati ukoliko se ubuduće ovakve situacije budu ponavljale.

**(b)** Član Komisije Osman Brka interesirao se da li je stigao odgovor na dopis upućen Kolegiju Doma naroda da se preispita rad INDOK službe i mogućnost njenog ojačavanja, kako bi bila u stanju bolje informirati parlamentarce o zbivanjima u svijetu, a i javnost o radu Parlamentarne skupštine BiH. Odgovor je bio negativan.

**(c)** Član Komisije Velimir Jukić informirao je ostale članove Komisije o sastanku sa g-đom Lidijom Topić, zamjenikom ministra vanjskih poslova BiH na kome je bilo govora o viznom režimu.

Predsjedavajući Komisije

Hasan Čengić